


MONUMENTI APERTI ASUTA DE SU CELU
SÉTIMU, 8/9 DE MÀIU



S'Àcua de Dolus, Sétimu

Ocannu, po **Monumenti Aperti**, in Sétimu, s'Aministratzioni at dicideu de oberri po sa genti sa domu de gianas de s'Àcua de Dolus puru. Unu monumentu giai connotu in bidde, ma prus pagu in atrus logus.

Sa guida po is visitadoris dd'ant fata cuatru piciocheddus de sa prima mèedia, chi ant postu a menti a un'idea nàscia gràtzias a sa collaboratzioni intra s'Uficiu po sa Língua e sa Cultura Sarda, is Servízius Socialis e Culturalis, s'Area Amministrativa de su Cumunu, is Scolas e l'Arca del Tempo.

Duus de custus piciocheddus ant donau is informatziones in língua sarda.

Po unu mesi bonu totus si funt preparaus, partendi inderetura de is cosas chi ant scritu is archeòlogus apitzu de su monumentu, circhendi de fai sa tradutzioni prus giusta, prazendusì su chi nci fuat de nai in italianu e in sardu. Sàbudu e domínigu passau fiant ingunis, a s'ora donada a is visitadoris. E, pighendi a su sèriu su trabballu, si funt stentaus cun is chi lompiant ingunis, donendiddis is informatziones e ponendiddus in chistioni.

Unu esperimentu, mancai piticu, de pràtica de bilinguismu, ma puru una manera de ddus ponni imesu a sa tutela de su patrimoniu chi teneus.

In Sétimu, màiu 2010

Su responsàbbili de
s'Uficiu po sa Língua e sa Cultura Sarda

Cristian Urru